

東華續錄  
東華錄

九

王先謙《清史劄記》撰

東華續錄  
東華錄

九

王先謙〔清〕朱壽朋  
撰

上海古籍出版社

# 目 録

## 第一册

東華錄一百九十四卷東華續錄二百三十卷(天命一至康熙十九) 王先謙撰 ..... 一

## 第二册

東華錄一百九十四卷東華續錄二百三十卷(康熙二十至康熙一百十) 王先謙撰 ..... 二

## 第三册

東華錄一百九十四卷東華續錄二百三十卷(雍正一至乾隆七) 王先謙撰 ..... 三

## 第四册

東華錄一百九十四卷東華續錄二百三十卷(乾隆八至乾隆四十九) 王先謙撰 ..... 四

第五册

東華錄一百九十四卷東華續錄二百三十卷(乾隆五十至乾隆一百三) 王先謙撰……………五·一

第六册

東華錄一百九十四卷東華續錄二百三十卷(乾隆一百四至嘉慶二十四) 王先謙撰……………六·一

第七册

東華錄一百九十四卷東華續錄二百三十卷(嘉慶二十五至道光六十) 王先謙撰……………七·一

第八册

東華續錄一百卷(咸豐一至咸豐三十二) 王先謙撰……………八·一

第九册

東華續錄一百卷(咸豐三十三至咸豐七十) 王先謙撰……………九·一

第十册

東華續錄一百卷(咸豐七十一至咸豐一百) 王先謙撰 ..... 十一

第十一册

東華續錄一百卷(同治一至同治二十) 王先謙撰 ..... 十一

第十二册

東華續錄一百卷(同治二十一至同治四十三) 王先謙撰 ..... 十二

第十三册

東華續錄一百卷(同治四十四至同治七十二) 王先謙撰 ..... 十三

第十四册

東華續錄一百卷(同治七十二至同治一百) 王先謙撰 ..... 十四

第十五册

東華續錄二百二十卷(光緒一至光緒七十)〔清〕朱壽朋撰……………十五·一

第十四册

第十六册

東華續錄二百二十卷(光緒七十一至光緒一百四十)〔清〕朱壽朋撰……………十六·一

第十三册

第十七册

東華續錄二百二十卷(光緒一百四十一至光緒二百二十)〔清〕朱壽朋撰……………十七·一

第十二册

第十一册

第十册

臣王先謙敬編  
臣陶澐宣蒸校

三月庚子朔諭軍機大臣等本日據張亮基奏逆匪於二十四日攻陷鉅野二十五日攻陷鄆城該撫擬由間道趨赴東平設法繞出賊前迎頭截擊等語賊蹤飄忽已極據各路奏報皆稱該逆意在救援阜城之賊該大臣等前此所奏多係疑詞數日以來又無續報豈此等緊急情形竟未能探得一二耶善祿由東昌一路進兵究竟已抵何處張亮基由東平一路進兵亦未知能否即與賊遇直隸山東交界處所路徑紛歧賊蹤處處皆可闖入而我兵來往奔馳每苦不能相及我兵稍延一日賊即深入一步每一念及焦灼難名此時張殿元曾否前往大名前所謂山西澤潞官兵趕東華續錄 咸豐三十三

到尙需時日惟有先儘見帶之兵星夜前進隨探隨剿以遏賊鋒張殿元所帶之兵不敷勦辦且多未經行陣仍須於該大臣等營中派撥馬步精兵並派得力將弁統帶前往勦辦方能得手亦不得專事防堵大名致成株守至阜城之賊負隅死拒一聞南賊將來必更急圖竄逸該大臣等既不肯分兵南下又不能立將此股殲除徒事遷延是何意見朕昨降諭旨甚明本無可再行申諭特以東省賊情該大臣等竟茫無知覺不得不詳晰宣示儻僧格林沁勝保仍前大意不即速籌勦辦致令南賊乘虛北竄復有句結蔓延情事朕必將該大臣等身家性命相抵別無他諭也布置情形著即飛速馳奏張亮基摺片均著鈔給閱看將此由六百里加緊諭令知之○諭張亮基奏賊匪攻陷鉅野並續陷鄆城各摺片覽奏憤懣之至該撫與善祿分路迎勦逆匪既欲由鄆城竄撲范

縣壽張東平是該撫馳赴東平正可迎頭截擊惟稱善祿約可行抵曹州是該將軍轉在賊後逆匪不由鄆城西奔濮州乃折而東北欲由范縣壽張奔竄或係探知善祿由湖路南來爲此巧避之計該將軍於中途曾否得信趕緊由曹州折回東北繞出賊前與張亮基兩路夾擊該省山路湖路間道紛歧若無確實探報偵知賊蹤所向及至官軍趕到而該逆早已剽掠而去展轉馳逐貽誤更多西界直隸大名各屬已屢飭桂良派張殿元帶兵防堵並由山西調兵前來協防惟該逆意在接應阜城則范縣壽張一帶既須嚴行截阻且東昌臨清爲商賈雲集士民富饒之區尤不可爲賊所覬覦致令闖入至運河東路汶上東平各縣下則近接濟甯上可東趨省會該逆如經官兵攔截或肆意衝突亦須豫籌堵禦究竟此起賊匪其有幾股是否接連而行抑係分路鈔掠急須探東華續錄 咸豐三十三

明情形方不至誤向他途致兵與賊不得一遇見在能否將該逆截勦該撫與該將軍如何聯絡聲勢賊匪究向何處著善祿張亮基迅籌合力邀擊仍隨時馳奏並知照僧格林沁勝保桂良一體派兵截擊毋任北竄將此由六百里加緊各諭令知之○諭本日據青慶奏省城因援兵不至實難保守並歷陳他處保全城池總賴外援接應等語見在皖省及東豫情形均極喫緊即有可調之兵各處亦俱須接應豈能專顧湖北卽漢陽黃州等處逆匪紛擾亦當次第殲除豈能專顧武昌省城青慶屢次奏報不但毫無籌畫且於別處情形總未知悉偵探亦不能確實是以所奏軍情於見在時勢總皆隔膜至所稱意見所及權不能行尤屬稽詞摺諛青慶與崇綸同在一城每次皆單銜具奏並不會銜是青慶先已自存意見見已授爲湖北巡撫統轄全省尙得謂事權不屬乎噫

曉濱辯於事何濟此時惟有盡心籌畫竭力防守台湧已克復黃  
陂進攻漢陽當可與省城聯絡至曾國藩所帶船礮見因賊  
由岳州上竄近偏長沙該侍郎初抵長沙省城已與賊遇不能剋  
期下駛著青麐崇綸就見有兵勇於城內外審度機宜妥籌布置  
與台湧隨時知照盡心堵禦毋徒坐待援兵誘過他人也將此由  
六百里加緊諭知青麐並諭崇綸知之○辛丑諭內閣吏部奏遵  
議曾國藩處分一摺前因曾國藩請將休致巡撫楊健從祀鄉賢  
祠係道光年間奉 旨不准之案該侍郎袒護同鄉專擅入奏降  
旨交部議處茲據吏部奏請革職實屬咎所應得惟念該侍郎見  
在督帶礮船勤辦賊匪速獲勝仗尙知奮勉曾國藩著加恩改爲  
降二級調用仍著督帶兵勇迅殄賊氛毋稍延緩○駱秉章曾國  
藩奏逆匪竄陷岳州後乘風直過洞庭湖於二月初六日竄入湘

東華續錄

咸豐三十三年

三

陰縣城該縣文武不知下落賊船已抵靖江喬口一帶約數千號  
查靖江距省僅五十里所有省城守禦事宜 臣駱秉章會同 臣鮑  
起豹妥爲布置惟靖江汊港紛歧水陸兩路可通河西之甯鄉而  
至益陽湘潭等縣 臣駱秉章當即札委知縣王鑫統帶練勇一千  
六百名先由陸路馳往靖江一帶截剿適 臣曾國藩亦已抵省飭  
派生員曾國棟及同知趙煥聯訓導儲致躬分帶陸路湘勇三營  
前赴喬口合擊 臣駱秉章復添委知州朱孫詒等管帶練勇六百  
名勝勇百餘名前往策應王鑫先在杉木橋地方見有賊匪上岸  
擄掠當即率勇迎剿擊賊匪奪獲船隻十三日戰於新港河岸  
賊匪鈔尾殺至經帶勇之王文瑞抵住兩路鏖戰殺斃賊匪百數  
十名燒其大船十餘號復經帶勇之謝仁峻李若霞在於所守隘  
口搃斬多名共計生擒殺斃及落水死者約數百人我勇膽氣愈

壯見在趕造浮橋整隊前進曾國棟在新康一帶擊斃長髮賊三  
十餘名奪獲米船二隻馬匹多件儲致躬率勇由龍塘灣殺進西門  
鄉當即商同趙煥聯前往援剿儲致躬率勇由龍塘灣殺進西門  
又殺至北門轉至南門共殺斃賊匪三百餘名落水者不計其數  
不料轉至南門該匪復於東城外突出二三百人儲致躬帶勇追  
殺身受十餘傷當即陣亡賊匪亦敗竄下船連夜逃赴靖江全數  
下竄喬口等處 臣等隨添委副將塔齊布管帶撫標兵丁及湘勇  
寶勇共一千二百名又委候補道胡林翼管帶黔勇六百名千總  
周鳳山等分帶練勇各五百名均由陸路會同王鑫等馳赴喬口  
湘陰一帶極力攻剿並飭委千總楊載福生員彭玉麟分帶水師  
八百名配齊船礮順流跟追 臣等仍隨時察看如須續添兵勇亦  
即會商辦理武陵縣訓導儲致躬追賊陣亡籲懇 天恩從優賜

東華續錄

咸豐三十三年

四

郵署甯鄉縣知縣馬丕慶岳州城守營參將烏拉理未能堵禦請  
旨革職審辦 臣駱秉章與提 臣鮑起豹均有地方之責未能先事  
防範應一併交部議處 上諭內閣賊船竄入湘陰縣城並靖江  
喬口一帶經駱秉章派令知縣王鑫等帶勇截剿王鑫在杉木橋  
地方曾國棟在新康一帶均能迎擊屢獲勝仗著即督飭文武員  
弁跟蹤進剿儲致躬帶勇殺賊身受多傷陣亡實堪憫惻著交部  
從優議卹岳州城守營參將烏拉理於賊匪竄擾岳州時不能進  
剿失陷城池署甯鄉知縣馬丕慶不能極力堵禦均著革職擊問  
如訊有畏葸逃避情弊即著從重治罪駱秉章鮑起豹未能先事  
豫防均著交部議處其失守地方文武下落著即查明具奏○諭  
軍機大臣等據僧格林沁勝保奏請撥防兵進駐獻縣等語據稱  
賊陷鄆城於二十七日竄入張秋鎮見派總兵桂齡帶官兵一千



名台祿帶吉林馬隊二百五十名駐紮德州以爲善祿後路聲援如賊勢猖獗勝保即督馬隊前往迎剿惟阜城之賊經大兵四面兜圍無隙可乘勢必拚死抗拒兵力既分難免顧此失彼不能不先事豫防添撥重兵以資剿辦著載齡即派雙禧穆輅將原帶防兵各一千名迅速管帶馳往河間獻縣一帶聽候僧格林沁等調遣毋稍遲誤見在阜城之賊尙未殄滅徐州渡黃逆匪已擾及山東境內直隸大名等處防堵均關緊要雙禧穆輅見令帶兵前赴河間近畿一帶尤當加意嚴防是否應須分撥布置之處即著載齡酌量情形安速籌辦並飭各路帶兵大員嚴密防範勤加偵探毋得稍有疏虞將此由六百里諭令知之○諭前據恒春奏請於山西省簡練精兵以節經費當派恭親王奕訢裕誠徐澤醇會同該部議奏嗣據該王大臣等覆覈具奏行令恒春悉心體察可以

東華續錄

咸豐三十三

五

裁汰兵丁若干節省餉銀若干詳查覆奏尙未據該撫奏到本日據御史蔣達奏請做照古法每州縣三十戶出一名出丁之家免其徭役每戶出制錢一千以爲一丁終歲口糧無事則仍歸耕鑿有事則其赴疆場將來各省有名無實之兵弁皆可由此漸次酌減於國計亦有裨益此等練勇止可於附近調用各等語軍興以來地方被賊蹂躪已及數省調兵籌餉徒事紛繁各直省大吏誠能豫籌練兵之法保衛地方何至糜餉老師毫無實濟該御史所稱足兵省費不爲無見且該撫前奏亦有查明汛地之衝簡酌酌兵丁名數餘俱裁汰自係爲覈實起見見在山西如何籌辦著即詳議章程迅速奏聞該御史所請著一併悉心詳議具奏務期兵歸實用餉不虛糜方爲妥善原摺片均著鈔給閱看將此由四百里諭令知之尋奏各省地方情形不同若悉令按戶出丁出錢

轉恐近於抑勒應請飭令各地方官詳察本地情形實心籌辦使富者出貲貧者出力庶可收眾志成城之效下王大臣會同兵部議行○駱秉章奏伏查此次髮逆先踞黃州下通皖省實爲腹心大患臣將滇兵楚勇併令馳往皖省救援嗣聞該逆已由黃州上竄漢陽等處正擬派撥兵勇前往援剿詎因連日北風該逆遂即乘舟上駛竄陷岳州見在南省兵丁及調到鎮守營弁兵僅及四千有零若於各營中酌量抽撥雜湊成軍派員統帶則兵不知將將不知兵平日既不相習臨時難期應手是以歷次剿辦土匪及此次派出追剿者俱係與曾國藩召募自練之壯勇較爲得力且該逆見已竄至湖南鄂省情形較緩擬俟南省剿辦事竣即派撥兵勇馳往鄂省跟蹤追擊得旨楚南之賊明係分竄見在湖北尙有多賊曾國藩礮船原爲肅清江面第此時道路不通暫可

東華續錄

咸豐三十三

六

畱在湖南剿辦亦不能專待事竣緩緩北上俟楚南辦有頭緒仍應速赴湖北爲是曾國藩素明大義諒不敢專顧桑梓置全局於不問北重於南皖鄂重於楚南此不易之局也又奏飭委貴州候補道胡林翼在楚南剿賊批胡林翼著暫畱湖南俟岳州府收復後即行飭令速赴湖北或至武昌或至台湧軍營○兩江總督怡良等奏請飭前任江南河道總督潘錫恩安徽學政孫銘恩辦理甯國等屬防剿事宜允之○以殲斃直隸阜城逆首吉文元賞甲兵金陞伊勒喜六品翎頂○綏遠城將軍盛燾等奏山西巡撫恆春咨調官兵一千名赴山西防堵得旨允行○予福建陣亡通判董正官安徽陣亡知縣唐治祭葬世職○壬寅諭內閣裕瑞奏請將擅離營伍投效軍營之世職注銷保舉一摺四川綏甯協屬世襲雲騎尉王家冀前在該副將衙門稟請前赴廣西軍營差遣不

候轉稟該管總兵批示即行啟程追軍營得有保舉又復告病回營實屬謬妄王家冀前經降旨以本班儘先補用之處著即撤銷由營責懲軍營投效人員原期有神實用若本無技能鑽營保薦以為進身之階實為近來惡習前經屢次申諭軍營嚴行甄覈恐濫竿充數者仍復不少著各路統兵大臣查明見在軍營效力文武員弁除奉旨發往及該大臣等奏明帶往外如有自行投效於軍務不能得力者即著嚴行裁汰不准稍事瞻徇致多冒濫將此通諭知之○諭軍機大臣等善祿奏二十七日馳抵東昌探聞賊眾三四十千被脅難民無數占踞張秋鎮該處為三岔總路且橫跨運河中有橋梁分頭進剿既難防其分竄又恐直撲東昌該將軍見在南關外紮營嚴兵以待二十九日該逆又竄入陽穀縣城等語此股逆匪意在救援阜城賊眾奸謀詭譎聲東擊西見既與賊

東華續錄

咸豐二十三年

七

相遇著即起緊督兵進剿並知會張亮基星速前進為兩路夾攻之舉正可乘其喘息未定激勵弁兵一鼓殲除毋得專事堵禦致失事機若攻剿稍遲該逆非負嵎死守即乘間紛竄更難得手昨據僧格林沁勝保等奏已派總兵桂齡帶西南固原河州官兵一千名台祿帶吉林馬隊二百五十名馳赴德州以為該將軍後路聲援本日復諭令該大臣等酌量派兵策應著善祿即催提此項續派官兵應於何處分撥遏賊竄路務當以剿為防萬勿遷延貽誤張亮基所帶之勇改赴東平計日已早到營該逆利在狂奔臨清大名各路均關緊要此股逆匪即責成善祿張亮基合力進攻儻有疏虞致令乘隙竄擾朕惟善祿張亮基是問將此由六百里加緊各諭令知之○諭善祿奏探明賊蹤迎頭堵剿一摺該將軍馳抵東昌探聞賊匪數千竄入陽穀縣城聲音仍撲東昌善

祿見在南關外紮營已咨勝保添兵截剿此股逆匪勢甚剽疾意在接應阜城之賊必須乘賊蹤未定一鼓殲除勿令句結為患著僧格林沁勝保酌量添派精兵馳赴善祿軍營毋稍遲誤其直隸大名一帶仍嚴飭張殿元實力巡防妥為布置該大臣等務當統籌全局權衡重斷不准任令匪蹤闖入直境更滋蔓延將此由六百里加緊諭令知之○癸卯諭內閣孫銘恩奏懇恩開缺回籍省親一摺上年以賊竄池州等處諭令安徽學政孫銘恩傳諭各屬紳民認真團練曾據將籌議情形覆奏昨復明降諭旨令該學政督同潘錫恩辦理防剿原以皖省賊氛肆擾該學政於考試事宜未能按期舉行正可專心督辦防剿茲據奏稱伊父年老多病請開缺回籍省親並未聲明伊父年歲若干亦未奏請假期並云臣自歷任以來深以規避為恥意圖欺飾豈知欲蓋彌彰該學

東華續錄

咸豐二十三年

八

政值國事之艱則視如秦越朕斷不深究若該學政之父病非沈重孫銘恩尚有面目見天下士乎若必畱任在皖於事無益孫銘恩著准其開缺回籍省親俟銷假時以三四品京堂降補○諭軍機大臣等平安峪吉壤本係陸應穀等選擇前年朕親往履看復令裕誠等前往覆勘其時陸應穀在河南巡撫任內未及隨同前往見派柏棧慶錫帶同陸應穀查勘遷安縣桑園縣銀礦著俟勘明後柏棧即督同陸應穀前往平安峪覆加相度詳細覆勘前年所定標識處所高下丈尺是否合宜並山向水法一切形勢繪圖貼說由柏棧具奏將此諭令知之○以李蔚為兵部右侍郎由左副都○甲辰諭軍機大臣等前曾疊降諭旨以直隸大名一帶空虛飭令僧格林沁勝保統籌布置並令桂良嚴飭張殿元督兵前往扼截兼令副將達年帶兵迎剿屢次寄諭並謂不得專事防堵

大名致成株守原以張殿元未經與賊接仗恐不能深悉賊情所帶各兵尤恐不能得力既經諭令桂良嚴密防堵仍責成該大臣等酌撥馬步精兵前往勦辦該大臣等自應遵照諭旨通籌大局斷不准東境賊蹤闖入直隸致與阜城賊匪會合乃本日據勝保馳奏賊由陽穀竄過莘縣攻陷冠縣竟於初一日竄至清河縣屬之小灘地方屯聚並有由館陶清水莊竄至距臨清二十五里之李官莊各稟報覽奏曷勝憤懣善祿前奏已抵東昌南關而賊由西路繞出其後張亮基在東平向隔運河均恐爲該逆避實擊虛奸計所誤勝保帶兵星速前進所見尙是崇恩防守臨清未悉兵力如何勝保保於馳抵故城後迅速迎至清河盡力截勦萬不可令北與阜城之匪聯絡仍飛飭善祿趕緊設法繞赴館陶冠縣西北各路面而兜圍俾不得混入大名界內與威縣等處並隨時與

東華續錄

咸豐二十三年

九

僧格林沁知會加須添調馬隊卽由該大臣咨商安辦總期兼籌統計不可顧此失彼此股賊匪自皖豫北來眾至數萬亡命赴接其兇悍殊堪髮指若不迅將阜城賊匪掃除萬一突圍而出與南賊合併勢更不可收拾僧格林沁督兵一萬數千名足資圍剿著卽迅圖攻克不得再事遷延坐俟南賊之至其武邑衡水棗強各處尙有勝保大軍在南如阜城附近各村賊匪南竄尙可回兵夾擊其阜城東北各路如何設防該大臣有無把握雙禧穆輅所帶官兵二千名曾否趕到添撥何處防守均著迅速馳奏並著該大臣等隨事隨時得有探報飛咨桂良載齡一體嚴防將此由六百里加緊各諭令知之○諭怡良許乃釗奏勦辦上海逆匪情形一摺所敘連日接仗情節均係逆匪撲出我兵堵截並未見奮力進攻不過小有斬獲何時能堵穴擒渠蕞爾孤城勦辦如此費事實

所不解據奏逆匪圍竄之意甚堅連日竄撲或千餘人或數百人而我兵所殺總不甚多卽十二日之戰逆匪改裝衝突被兵勇追擊四路潰散尤難保無乘間逃逸之匪潛匿附近地方上海接壤各處如松江府嘉定太倉川沙南匯等屬雖經怡良等前此派有弁兵豫爲防範究竟能否得力儻城中逆首未殲而鄰境復有勾結勦辦愈形費手見在向榮添派之兵又經續到一千名豈得尙以兵力單薄爲詞著卽嚴飭帶兵各員趕緊進攻萬不准徒事堵禦空勞兵力至水路各營據連次所奏僅於陸路接仗時遙爲聲援尤屬不成事體豈將以黃浦師船爲吳健彰等藏身之固而專恃一投誠報仇之李紹熙遂能力遏賊鋒耶許乃釗若再不迅速籌攻止知以陰雨難行稍不繼爲詞朕決不能再從寬貸怡良身任兼圻亦難辭罪也將此由六百里加緊諭令知之○諭台湧

東華續錄

咸豐三十三

十

奏統籌兩省全局一摺所見俱是楚北逆匪全股盤踞漢陽其分竄德安一帶之賊前經台湧撥兵截勦業將黃陂縣城攻克必須乘勝進攻將雲夢應城孝感等處餘匪次第殲除方能全軍南注爲肅清漢陽之計武昌省垣爲江路阻隔目下賊蹤蟻聚北岸省城情形較緩且存城兵勇爲數尙多足敷布置若將北路得力之兵撤調赴省則江北更屬空虛崇綸見在丁憂仍留該省辦理防剿事宜已授青慶爲湖北巡撫疊據該撫奏報各情惟以孤守無援爲詞別無籌辦之策節經諭令就見存之兵盡心守禦惟能不得力殊不足恃著台湧體察機宜隨時與該撫互爲知照以期聲勢聯絡所調江西水陸各軍並著飛提駛赴上游會合迎勦儻能先將江面疏通則漢陽與武昌南北無阻勦辦庶易得力該督又稱岳州對岸之荊河腦地方爲荊州要口若竄岳之賊被勦窮蹙

恐由此路旁趨至荆所慮亦不為無見昨據駱秉章等奏稱帶勇分勦靖江喬口及甯鄉等處賊匪辦理尚屬得手該逆見已全數下竄留國藩亦即統領兵勇跟蹤進剿仍著台湧兼籌扼截之策於四川松潘建昌兩鎮官兵提到後即嚴飭各該員弁將此項兵丁駐紮荆州嚴密布置以扼賊匪上竄之路仍須探明岳州賊情如須出境迎擊即剋期統帶前往與湖南會剿勿以有用之兵置之無用之地本日已諭令佈克慎署理湖北提督該員見在黃陂一帶進剿著即毋庸前赴湖南台湧身任兼折責無旁貸一切勦辦機宜惟當妥籌大局迅掃妖氛以副委任將此由六百里加緊諭令知之○諭本日據鄭敦謹奏歸德土匪見有牛鑑等督勇勦辦請飭桂明速由黃河北岸徑趨曹州一帶迎擊自係先其所急惟據勝保所奏逆匪已由莘縣竄入直隸清河縣境鄭敦謹所請

東華續錄

咸豐三十三年

十一

意在保山東以固河南就軍情緩急而論惟有徑赴直隸方能迎頭邀擊若專注曹州已落賊後著桂明即統所帶官兵無論何處渡口星夜渡河而北沿途遇賊即行截擊若能開道出奇繞赴大名以北更可得手斷不准故意紆折致誤事機桂明防堵潼關已將一載所帶官兵蓄銳已久諒不至沿途停頓自干重罪也將此由六百里加緊諭令知之○諭據勝保奏探聞賊已攻陷冠縣並踞館陶縣所屬之地距臨清甚近北路情形萬分緊急備再有南來逆匪陸續渡黃與東省之賊接應勦辦愈難得手楊以增既專轄黃河百勝等又防堵徐州日久業已疏忽於前漫無抵禦若再任該逆偷渡罪更難追茲據張之萬奏黃河上流各渡惟碭山一帶河口最關緊要若該處不扼要嚴防必致皖省之賊任意往來與渡河逆匪時通消息著楊以增等迅將碭山一帶趕緊設法籌

防派令精銳弁兵嚴緝奸宄斷其往來之路並著百勝等即就見帶兵勇實力防剿備仍不知奮勉疊次嚴諭視為具文使逆匪續有偷渡必將該河督等從重治罪所有見在籌辦情形並著隨時奏報毋稍延緩將此由六百里加緊諭令楊以增並傳諭百勝王夢齡知之○戶部右侍郎王茂蔭奏鈔法未善酌擬章程四條並以兵民怨恨自請嚴議得旨王茂蔭身任卿貳顧專為商人指使且有不便於國而利於商者亦周慮而附於條款內何漠不關心於國事至如是乎並自請嚴議以謝天下明係與祁雋藻等負氣相爭讀聖賢書度量顧如是乎且謂廢黜不敢怨悔設是時故激朕怒將伊罷斥伊反得身後指使百計阻撓看伊奏摺似欲鈔之通行細審伊心實欲鈔之不行且有挾而求必應照伊所奏如是欺罔將謂朕看不出耶此摺著軍機大臣詳開後專交與恭親王

東華續錄

咸豐三十三年

十一

載銓速行嚴議以杜浮言又奏愚民誤用偽鈔請飭下刑部但有私手承認即將收用之人省釋以免民累批此奏尚不為無見○江南河道總督楊以增奏分飭揚徐海三屬將已徵錢糧漕米鹽課迅解江北各大營接濟兵餉得旨非尋常照例飭催者可比著加緊嚴催以期軍營早得接濟○湖廣總督台湧奏賊鼠湖南統籌全局酌擬辦理得旨朕惟觀汝之心地試汝之才具學與不學何關緊要汝由將軍放總督朕尚冀汝無文員習氣何任事之初先存此見又批始終如一不可行與言違○以吉爾杭阿為江蘇布政使由常鎮通海道選○乙巳 皇后祭 先蠶○諭內閣德齡等奏各城年班伯克請俟下屆進京並應進貢物請旨遵行一摺所有各城年班伯克著統俟咸豐六年年班再行來京葉爾羌喀叶噶爾應進道光二十七年額貢著加恩豁免其咸豐三年分貢物著俟

六年年班伯克進京時一併呈進以示體恤○僧格林沁奏臣連日督飭官兵極力進攻該逆死守不出三月初二日豫派馬步各隊官兵於夜半暗伏賊巢左近使前次投出之甯宗揚等七名分向塔兒頭紅葉屯賊巢聲喊引誘該逆由紅葉屯撲出三四百名由東南關撲出二百餘名我兵俟其離巢較遠奮勇壓下該逆力不能支狂奔敗退珍斃紅葉屯賊匪二百餘名其東關撲出賊匪經侍郎慶祺督帶兵勇珍斃多名餘匪退入賊巢正在設法籌辦接據各路探報賊匪連陷金鄉陽穀等縣逆餓甚熾勝保酌帶馬步官兵七千餘名啟程前進連善祿等所帶官兵合計一萬一千餘名兼之山東本省官兵練勇足資堵剿臣原統京旗及蒙古官兵七千餘名勝保酌帶馬步官兵一萬四千餘名侍郎慶祺統帶官兵二千餘名共合二萬三千餘名勝保移營後臣正慮阜城東

東華續錄

咸豐三十三

三

千餘人若以全軍盡蹶賊蹤徒成尾追之勢東平擊獲奸細俱稱該匪有由臨清竄赴故城接濟北賊之語因將所帶練勇分撥一半派委遊擊玉山等分隊管帶馳詣朝城會同善祿兜剿其餘練勇親自統領迅由間道馳往臨清以待迎頭截擊如此兩面兜截中間又有善祿在堂邑橫衝勦辦必可得手若防河一事前派濟甯州黃良楷專司其事而金鄉鉅野魚臺等處難於顧及同知高振洛曾任單縣頗得民心且熟悉情形茲委該員趕募精壯民勇千餘名在豐單交界處所實力巡防以杜南匪續竄惟豐工南北兩岸均隸江南該處無兵扼守相應請旨飭下江南督臣南河河臣徐州鎮道迅撥重兵駐守豐工以防逆匪續渡臣上諭軍機大臣等此次誘賊離巢珍斃賊匪二百餘名仍不過小有斬獲未能迅克賊巢覽奏殊深焦急勝保移營後阜城東北令德勒克色楞托明阿帶兵駐紮自應如此布置勝保及善祿等所帶官兵統計一萬一千餘名諒已足敷勦辦設該逆繞道北犯德勒克色楞西凌阿托明阿皆係幫辦大員儘可酌派一員督帶馬隊前往奮力截擊若僧格林沁自行帶兵前往竟將阜城圍困之賊交德勒克色楞等勦辦該幫辦等無所統屬事權不能歸一儻該逆乘虛竄出與南來之賊互相勾結或仍由東北回竄交河等處豈非該大臣貽誤之罪此時逆匪竄擾清河勝保由故城進剿必應力遏賊衝尤當設法兜截勿令逆匪繞越致我兵又成尾追之勢本日據張亮基奏探聞真賊不過千名餘皆沿途裹脅此等烏合之眾自入山東境內並未大受懲創若我兵奮力攻擊尚不難一鼓殲擒兵貴神速萬不可少涉觀望致誤事機雙禧穆輅所帶官兵二千名前諭令調赴河間茲據僧格林沁奏稱北防緊要復令折回涿

東華續錄

咸豐三十三

五

州朕思遠防不如近勦該逆知我兵由故城進攻或折而西竄則  
 棗強南宮冀州等處在在堪虞著僧格林沁即將雙禧等所帶官  
 兵均撥於保定迤南扼要地方以勦為防毋庸折回涿州其北路  
 一帶已諭載齡妥為布置矣阜城逆匪不過數千僧格林沁尚有  
 兵二萬三千餘名勝保亦帶兵萬餘兵力不為不厚若以兵分力  
 單為詞再事遷延不思迅掃賊氛是該大臣等一誤再誤厥罪為  
 均朕惟執法從事不能倖邀寬典也將此由六百里加緊各諭令  
 知之○諭昨據勝保奏稱賊由陽穀竄過莘縣攻陷冠縣初一日  
 竄至清河縣屬之小灘地方屯聚本日據張亮基奏報各情大畧  
 相同惟賊竄清河並未提及豈該逆已由東入直該撫竟茫無聞  
 見耶此股竄匪剽疾異常渡黃後連陷金鄉等處豕突狼奔意圖  
 北竄自到山東所過州縣毫無阻滯如入無人之境張亮基統轄  
 東華續錄 咸豐二十三年 五

全省已屬罪有應得乃該撫前由景州迎勦並未與賊一遇復由  
 齊河繞至東阿賊方北竄而該撫轉向南趨據稱由博平清平一  
 帶繞越前進豈非徒託空言仍落賊後刻下勝保已帶兵由故城  
 迎頭截擊遏賊北竄張亮基若不趕緊督帶練勇設法攻擊為兩  
 路夾攻之計豈以賊匪竄出東境遂可卸責諉罪耶至各屬土匪  
 即飭臬司厲恩官痛加勦洗毋令與逆匪勾結並飭同知高振洛  
 於豐單交界處所嚴防河口勿任南匪續竄將此由六百里加緊  
 諭令知之○諭見在直省萬分喫緊賊匪清河復有由館陶等處  
 竄至臨清州李官莊之信顯係分股竄擾張亮基由博平一帶繞  
 越前進善祿由東昌一路橫擊均恐落後勝保見已帶兵馳赴故  
 城遏其竄路柱明接奉前旨諒亦渡河由北岸行走著即督率官  
 兵迅速前赴直隸境內沿途偵探賊蹤何路緊急設法追截若能

出其不意中途邀擊勦辦更為得手萬不可稍有遲延致誤事機  
 前調之山西澤潞官兵一千名並著飛催趕到以資攻勦將此由  
 六百里加緊諭令知之○丙午諭內閣前因安徽賊匪由豐工偷  
 渡黃河竄擾山東金鄉等處經僧格林沁勝保派令善祿等督兵  
 迎勦本日據崇恩奏逆匪直撲臨清州該藩司派濟南城守營參  
 將吉興等分路迎擊復派署臨清營副將慶順等出城接應轟斃  
 賊匪數百名奪獲旗幟器械火藥雲梯多件生擒賊匪三十餘名  
 該逆復在南關占踞又據善祿奏馳抵臨清探知賊在李官莊等  
 處屯聚該將軍派令魁福帶馬隊在臨清迤南堵勦善祿等帶兵  
 進攻賊匪分股抗拒我兵奮勇攻撲槍礮齊施斃賊不計其數賊  
 眾蟻聚河岸我兵大隊繼至復斃賊七八百名此次逆匪竄擾臨  
 清崇恩督率將士等奮力擊退所有出力官兵紳勇著崇恩酌量  
 東華續錄 咸豐二十三年 六

保奏毋許冒濫善祿等督兵進勦屢獲勝仗惟逆匪分股偷渡運  
 河該將軍等未能竭力堵禦實屬罪有應得善祿魁福均著革職  
 留任勝保見已帶兵迎勦即著該大臣督率各路官兵迅殄賊氛  
 毋稍延緩○諭軍機大臣等善祿奏賊匪屯聚李官莊我兵接仗  
 情形一摺本日已明降諭旨將善祿等革職留任矣該將軍行抵  
 臨清初次與賊接仗雖殲斃賊匪約七八百名而該逆已渡河北  
 竄臨清關外尚有未經渡河之賊屯踞民房前據勝保奏賊於初  
 一日竄至清河縣屬之小灘地方該大臣已帶兵由故城迎擊計  
 日當可趕到此時善祿自應迅速渡河追勦與勝保大兵合力夾  
 擊為一鼓蕩平之計斷不准藉口兵馬疲乏遷延貽誤任令逆匪  
 分竄勦辦更難得手善祿等不能遏賊北竄已屬罪有應得若再  
 有疏虞不知奮勉國法具在豈能倖邀寬典耶正在寄諭聞據勝

保奏馳抵鄭家口先派桂齡督帶馬步各隊官兵前往臨清攻剿等語該大臣因恐該逆繞道北趨暫駐該處爲南北兼顧之計善祿係幫辦大員著即督同桂齡迅將渡河逆匪合力殲除毋得專待該大臣馳往督剿轉滋貽誤此股渡河逆匪剿滅淨盡即著馳赴臨清以南與張亮基等督率兵勇肅清東境毋令蔓延將此由六百里加緊諭令知之○諭貴州學政黃紘奏粵西匪徒充斥請速撥兵餉剿辦一摺上年因廣西省自逆匪竄出之後伏莽未清蔓延通省當經諭令勞崇光督飭所屬揀選兵勇認真剿辦並曉諭地方紳民人等舉行團練該撫果能實力勦捕不難即時撲滅若如該學政所奏柳州慶遠百色等府廳盜賊成羣肆行無忌以致沿邊界連地方無不戒嚴防範殊屬不成事體且恐蔓延湖南雲貴句結廣東土匪剿辦更爲棘手右江道張敬修前據葉名琛

東華續錄

咸豐三十三

七

奏已飭令回任著與提督惠慶督飭該員並地方文武趕緊將各股匪徒盡行勦除毋令日久爲患一面仍諄諭地方紳士各自辦理團練以助兵力至該學政所請添兵籌餉一節近來各路軍務殷繁不但帑項支絀即徵調亦緩不濟急該撫惟就本省地方設法籌辦並隨時知照葉名琛就近接濟毋得任令匪徒肆擾致干重罪將此由六百里諭令知之○二品銜已革漕運總督李湘棻奏探聞賊匪北竄擬徑趨濟克一帶鈔出賊前迎頭擊得旨覽汝以革任大員猶單銜奏事並未有與賊接仗迫不可緩之勢殊屬妄爲李湘棻著降爲三品頂帶伊若奮勉出力朕必格外加恩若遇賊接仗大獲全勝方准伊專摺具奏○丁未諭內閣恭親王奕訢親王銜定郡王載銓奏遵議王茂蔭條陳鈔法窒礙難行一摺著即照所奏均無庸議寶鈔之設原以裕國便民王茂蔭由戶

部司員經朕游擇侍郎宜如何任勞任怨籌計萬全乃於鈔法初行之時先不能和衷共濟止知以專利商賈之詞率行瀆奏竟置國事於不問殊屬不知大體復自請嚴議以謝天下尤屬膽大敢使朕將伊罷斥轉得身後指使百計阻撓如是欺罔豈能逃朕洞鑿耶王茂蔭著傳旨嚴行申飭○諭軍機大臣等前因袁甲三追賊不及折回宿州當諭令嚴防南來竄匪連日以來並未據該給事中奏報軍情究竟回竄永城之賊蹤迹若何該給事中曾否向前迎剿本日據百勝等奏永城賊匪在潁州回潘集地方被民勇截擊不能竄回六安並有袁甲三帶兵馳往之語見在廬州地北逆匪土匪充斥分擾秦定三在西北一帶堵截未能專顧徐州百勝等又不能離城遠出該處帶兵大員僅止袁甲三一人袁甲三所帶兵勇爲數不少豈可株守宿州不爲進剿之計且永城雖經

東華續錄

咸豐三十三

六

收復據百勝等所奏尙有陳家集兗家集等處擒匪李月宋萬逆黨數千人肆行焚劫正陽關一帶雖有劉玉豹撥兵駐守其六安地北之霍邱縣亦爲南賊北竄要路袁甲三及和春等疊次奏報均未籌及和春等但知圍一廬州固難辭咎然北路不能兼顧亦係實情該給事中若仍專注宿州則穎毫歸陳一帶將聽匪黨橫行置之不問耶著袁甲三即督見帶兵勇趕緊勦辦務將廬州北路賊匪悉數掃除並嚴杜逆賊自六安一帶續來之路與河南防剿兵勇合力兜截儘再有疏失惟袁甲三是問壽州臨淮兩處防兵應如何移緩就急以勦爲防之處即與和春福濟妥籌酌撥將此由六百里加緊諭令知之○諭百勝王夢齡奏徐郡紳士團練民勇設防勒捐並保衛蕭縣城請將該紳民給予獎勵等語此次逆匪竄入徐境郡城兵力甚單該紳士等挑選民勇竭力扼防

並隨同官員堵禦追剿俾蕭陽縣城得以保衛尙屬奮勉急公著百勝王夢齡擇其尤爲出力者酌請獎敘俟朕施恩毋許冒濫至該地方文武員弁本有守禦之責業已任賊偷渡黃河不能堵截已屬罪有應得惟念守禦縣城尙無疏虞姑免置議著百勝等懷遵恩次諭旨督率兵勇紳民將南來逆匪實力防剿毋令續有偷渡致千重罪將此由六百里傳諭知之○山東巡撫張亮基奏馳抵臨清東關擬與將軍善祿會商勦辦得旨該逆分股過河仍復占踞臨清意圖牽掣我兵逞其逆謀昨有旨催善祿往北緊追今觀汝奏欲與伊會商朕恐汝畱下善祿或善祿亦藉詞不進則斷不可汝所帶練勇既可自信則足敷勦辦李湘棠能否得力著隨便奏聞斷不准因係本省大紳稍有回護又批賊情變幻靡常此數日又不知若何情形若臨清勢緩汝仍應迅往北來夾擊爲是

東華續錄

咸豐三十三

九

不可託故觀望○袁甲三奏賊竄正陽關請派大員帶兵移駐並擬即回宿州得旨門戶已開尙堪補救豈能任其奔突置若罔聞汝因何又要折回宿州又奏宿州臨淮均須守禦請指派駐紮處所批朕豈能指汝一定之處是時總以嚴防續來北竄之賊爲要又豈能專顧宿州朕若指示一處將來正可藉口○以守城出力承廣江蘇六合縣學額二名○戊申諭內閣王茂蔭宋晉奏清查保甲完竣一摺五城保甲事宜本應時加查察見當巡防喫緊之際尤不可稍有疏忽既據王茂蔭等奏稱見已逐戶清查編造戶冊完竣嗣後著即責成巡視五城及稽察各御史督飭所屬實力稽查毋許鬆懈○諭軍機大臣等昨據善祿奏臨清州城危在呼吸本日據勝保奏由油房鎮督兵前進一摺該匪攻擾臨清城紮立木壘三面圍撲雖經善祿崇恩等先後擊退惟兵力甚單賊勢

猖獗該州南門月城已被地雷轟陷暫用木柵欄護情形甚屬危急據勝保奏稱桂齡於初六日趕到與善祿會攻賊巢殲斃多名該逆仍堅匿不出州城尙未解圍殊深焦灼計該大臣刻下亦必馳抵臨清即著與善祿等設法分路勦辦並與張亮基崇恩妥籌內外夾擊務將此股逆匪趕早殲擒萬勿令其窺伺西岸空虛或致奔突大名等處更滋蔓延仍隨時與僧格林沁載齡桂良互相照聯絡聲勢斷不准耽延時日致千重罪將此由六百里加緊諭令知之○諭見在穎亳一帶土匪蜂起永城逆匪雖由正陽關奪船回竄六安等處難保其不去而復來和春等圍攻廬州固應迅圖克復但逆賊西繞六安乘機紛竄處處可以北犯大兵全力專注廬州而正陽關門戶洞開僅恃劉玉豹千餘兵勇豈能堵遏况和春等連日奏報並無圍攻之策不過賊出與之接仗賊歸即

東華續錄

咸豐三十三

三

計無所施逆匪負嵎死守牽掣大兵無論郡城尙未攻克即使剋日攻破而六安霍邱穎上蒙城一帶任賊來往自如大軍全駐東南於大局仍難收拾和春等統領全軍豈不知時勢緩急但顧目前以重兵攻城而不計正陽關一路任賊往來紛紛北竄總不肯遽爲抽撥貽誤之罪其何能辭朕以皖省全局委之和春等並非專令株守廬州也本日已諭袁甲三由宿州進駐臨淮扼廬州東北之衝如賊由該處北竄惟袁甲三是問其西北一帶壽州霍邱正陽關等處即著和春等添撥兵勇飭令秦定三管帶扼要防剿乘此逆賊回竄之時迅速前往安爲布置不准稍有延緩秦定三抵正陽關後或應進攻六安或應沿河迎剿以分廬州賊勢並杜逆匪北竄之路均著隨時審度機宜向前截擊亦非令其專事防堵避難就易頽毫等處村集距正陽關均不甚遠所有勦辦土匪



亦可隨時聯絡河南兵勇就近夾擊袁甲二前在宿州自與蒙臺較近今既進紮臨淮聲息稍遠而宿州鄉兵素與袁甲三相習仍可隨時知照互爲聲援若逆匪再由西面繞越北來秦定三不能以勦爲防朕必重治其罪諒該提督久歷戎行必不敢自存大意致蹈嚴刑也將此由六百里加緊諭知和春福濟並諭令秦定三知之○諭昨據袁甲三奏請派大員帶兵駐紮正陽關等語本日已諭知和春福濟令秦定三迅帶精兵即日前往正陽關斷賊南北往來之路見在永城敗竄賊匪已由正陽關南竄六安該給事中追勦不及又因所帶鄉勇係宿州士民難以強之遠行仍欲折回宿州該州爲徐毫適中之地而臨淮爲前路要隘必須兼顧今正陽關一帶秦定三扼守可以杜賊竄突穎毫之路惟臨淮要隘僅有吉連李文安賊紆青等在彼防堵兵力尙覺單薄著袁甲東華續錄 咸豐二十三年 三 卽帶得力兵勇迅速前往扼守臨淮督同該處防兵遏賊北竄儻有土匪勾結滋擾仍隨時派兵勦辦並可與秦定三劉玉豹聯絡聲勢俾廬州賊匪不敢北竄如賊由鳳陽左右分股渡河或擾及定遠均惟袁甲三是問至宿州壯勇應否撤回防守本處或畱若干名卽著袁甲三酌量布置毋稍疏虞該給事中仍須統籌全局不得株守臨淮幸賊蹤尙未及關謂可塞責也將此由六百里加緊諭令知之○僧格林沁等奏連日進勦獲勝情形得旨不過是小勝何日方能就事殊深焦急屢降嚴旨實無可再加若有心遲延朕卽將正月半以後嚴旨彙集閱看次第治汝應得之罪○庚戌諭軍機大臣等戶部奏遵議蘇松等屬漕米一摺蘇省漕糧爲京倉支放大宗原不准改行折色既據該督等懇陳辦漕棘手情形不能不量爲變通惟折漕銀兩專爲採買米糧之用見在京

倉存米無多若不急籌買補餉精憑何支發該省爲產米之區本年停運數十萬石地方卽多數十萬石之米如果實力妥籌不難卽時足額漕糧爲天庾正供該督撫身任封疆旣已貽誤於前若再不急籌補苴置京倉於不顧自問當得何罪怡良許乃釗接奉此旨著卽派委幹員如數採辦迅速由海船運赴天津務於五月以前放洋不准稍有遲誤除採買米石若干外所餘折色銀兩仍卽迅解部庫不得以軍需藉詞截留並將見在辦理情形由驛先行馳奏此時京倉於盛京各處採買米石需費浩繁專待此項到京以資接濟儻米糧不能如期起運銀兩又不能作速解京朕惟有將該督撫等治以貽誤之罪決不寬貸戶部摺著鈔給閱看將此由六百里加緊諭令知之○諭前因賊竄臨清諭令僧格林沁迅由軍營挑撥馬隊一千名交德勒克色楞額統帶前往勝保軍營東華續錄 咸豐二十三年 三 協勦茲據勝保奏稱初七日行抵臨清城外接仗殲斃數百名查勒臨清城外東西南三面俱爲賊踞該大臣見帶之兵不敷圍攻請添調官兵助勦等語此股南來逆匪意在援應阜城並有繞道北犯之意必須於前路厚集兵力遏其兇鋒見在京營各兵實難抽撥已諭令勝保先就見帶之兵相機籌辦著僧格林沁卽飭德勒克色楞額日督帶馬隊一千名前往勝保軍營毋稍遲誤阜城距臨清甚近我軍兵力旣分難保該逆不潛通消息伺隙奔逃該大臣惟當趕緊設法籌攻迅圖賊事本日據富興阿奏稱阜城見設長圍仍留東面一路不知是否如此情形若果東面虛空亦恐該逆乘間衝突刻下軍情緊急如臨清之賊北竄惟勝保是問如阜城仍不能卽日克復以致賊匪突圍而出又滋蔓延惟僧格林沁是問此時勝保帶兵前進據稱接辦糧臺尙未有人著僧格林